

■ 北京圖書館 編

北京圖書館藏珍本

年譜叢刊

第 172 冊

北京圖書出版社

□ 北京圖書館 編

北京圖書館藏珍本

年譜叢刊

北京圖書出版社



第 172 冊

第一七二冊目錄

三省軒自記	一
先考松生府君年譜	一一五
厚堂公自記年譜	三七三
先君舜臣府君年譜	四〇一
晚悔庵年譜	四四三
子穎林公年譜	五二九
孟晉齋年譜	六五三

曾子云吾日三省吾身此言自治之功也有一日卽有終身言三者可該萬事人能體此以自治何患不到聖賢地位

仲華世二兄以三省軒囑題時

咸豐辛亥秋月

俊三寶承焯并書

光緒辛卯秋

養泉廖綸補書

仲華王先生鉏經圖 世晚周裕榮題



竊思舜發畎畝禹稷耕稼心力并勞神
明強固是以優入聖域後世士農既分
即負薪挂角之風已渺焉無聞矣
仲華先生以鉏經名圖其亦猶行古之道歟


光緒辛卯仲秋巴江廖

綸題



同學孫其業書





王生仲華吾授經徒也其爲人少卽勤儉耐勞苦與人誠實有忠心讀書雖未成而於書中深意時有獨得長益明敏凡所作卽若寫算微事無不有條有理始終本末無遺雖厯數十年可一一數而得與人言愷切詳明條陳縷析能令頑者豫乖者和故始自其家尊長以及親友中之年尊者無不喜愛而常以事委之迄今鄰里鄉黨間有爭者無不欲訴諸仲華有事者無不欲商諸仲華謂其有識而可靠也亦豈知其中偏有喟然者乎自序所厯欲以覺後

感慨者多也然少文不足貽遠余傷其意特爲刪潤之俾
其家有心者知其爲人之可法而有益於家如此也或悟
焉悔焉而無地自容也或感焉愧焉而肅然起敬也

光緒十年仲春月

龔 約題

仲華王君三省軒自述後跋

曾子之學內慊其心外省其身在母自歎一語軒題三省
其斯意乎余與王君仲華索居南北而久慕風徽及閱是
編知其處世溫溫治家井井兵燹後卽復舊業營故居洵
經世才也三復其自述年譜中有瘧痢交侵病情危險醫
生親戚咸勸略吸洋烟可以止痢而仲華堅執不肯以害
命之毒物爲救命之仙丹死生有命一聽於天何敢倖生
而畏死此非自慊其心者歟奈世俗不悟廢其業害其身

伊於胡底夫禍患常積於細微性情每困於久溺人心風俗頽敗多端不獨在吸烟也人可不自省而與世浮沈哉觀仲華自述編如讀呻吟集中語余已龍鍾亦深凜凜勉贅數言工拙奚計

光緒丙戌立秋前一日

九十六齡愚弟張星燦跋

余宦游錫山有以王君仲華自序索題者觀其書歷敘生
平締造之艱及養生送死之事而間或參以議論蓋欲傳
之于子孫使知啟後承先之不易也且其所記理明而辭達
言簡而意賅雖鄉人婦女莫不能解亦足以維風化而正
人心者又不獨其子孫已也夫王君生長富厚中年邁變
流離轉徙家產蕩然而卒能以勤儉起家重振先業志足
尙矣而復勤勤懇懇懼後人忘其艱難或蹈於紛華靡麗
之習因著爲是編以冀世世子孫守之勿替其用意不更

卷之三

深遠哉吾於是而知王氏之興未有艾焉

光緒乙酉季冬月
山陰愚弟王作舟謹識

仲華王君述畧

余與仲華王君交三十年矣幼時見其恂恂誠篤言動胥
慎早識爲保家之主人之而知其居心行事洵不愧古之
有道君子也君名世恩父蘭溪翁原配生三子二女長出
嗣伯父君居次三早歿繼配生五女最後生子季成蘭溪
翁以貲雄於鄉君助之經理日益昌熾庚申之變貲產蕩
燬挈眷居鄉侍父母營菽水歷三四年蘭溪翁暨繼配均
歿於鄉營辦喪務盡哀盡禮近克復時三弟又歿室廬片

毛無存君先遷柩安葬次第建造並婚嫁諸弟妹井非有
條其孝友如此先是蘭溪翁知事勢孔亟偕兄蘊山置田
贍族亂離初定整甍清釐同族賴以舉火撫季弟季成教
養兼盡延師課讀不吝重贊季成弱冠卽游庠有聲譽序
王氏世業賈至今書香不振焉蓋成蘭溪翁之志也年來
與同族共商買隙地於左近擬集貲建家祠而以蘭溪翁
昆仲配享凡先人未竟之業不使有一端之或遺然已心
力交瘁矣季成係錫令裴公門下士公夙知君賢遇南里

公事悉心咨訪而君絕不以私事干謁凡所獻替按理度
勢曲協輿情裴公倚如左右手而閭里咸受其福其他儉
於處己寬於待人有才識而常存歛抑爲人謀而不憚煩
勞自序中及龔存之先生所識已概見余不贅云

光緒甲申季冬

姍眷弟丁 培識

